

**BOSNA I HERCEGOVINA
FEDERACIJA BOSNE I HERCEGOVINE
VLADA**

PRIJEDLOG

**O D L U K A
O DAVANJU SAGLASNOSTI NA PLAN RADA I RAZVOJA
ZAVODA ZA TRANSFUZIJSKU MEDICINU
FEDERACIJE BOSNE I HERCEGOVINE ZA 2016. GODINU**

Sarajevo, mart 2016. godine

Na osnovu člana 152. stav (2) Poslovnika Predstavničkog doma Parlamenta Federacije Bosne i Hercegovine („Službene novine Federacije BiH“, br. 69/07 i 2/08) i člana 143. stava (2) Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, br. 27/03 i 21/09), Predstavnički dom Parlamenta Federacije Bosne i Hercegovine, na .. sjednici održanoj2016. godine i Dom naroda Parlamenta Federacije Bosne i Hercegovine na .. sjednici održanoj2016. godine, d o n i o j e

O D L U K U
O DAVANJU SAGLASNOSTI NA PLAN RADA I RAZVOJA
ZAVODA ZA TRANSFUZIJSKU MEDICINU
FEDERACIJE BOSNE I HERCEGOVINE ZA 2016. GODINU

I

Daje se saglasnost na Plan rada i razvoja Zavoda za transfuzijsku medicinu Federacije Bosne i Hercegovine za 2016. godinu.

II

Plan rada i razvoja iz tačke I nalazi se u prilogu ove odluke i čini njen sastavni dio.

III

Ova odluka stupa na snagu narednog dana od dana objavljivanja u „Službenim novinama Federacije BiH“.

PF Broj:

Datum:

PREDSJEDAVAJUĆA
Doma naroda
Parlamenta Federacije BiH
Lidija Bradara

PREDSJEDAVAJUĆI
Predstavničkog doma
Parlamenta Federacije BiH
Edin Mušić

OBRAZLOŽENJE
Odluke o davanju saglasnosti na Plan rada i razvoja
Zavoda za transfuzijsku medicinu
Federacije Bosne i Hercegovine za 2016. godinu

I - ZAKONSKI OSNOV

Zakonski osnov za donošenje ove odluke sadržan je u članu 152. stav (2) Poslovnika Predstavničkog doma Parlamenta Federacije Bosne i Hercegovine („Službene novine Federacije BiH“, br. 69/07 i 2/08) i članu 143. stav (2) Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, br. 27/03 i 21/09).

II - RAZLOZI ZA DONOŠENJE

Na osnovu odredbi Zakona o zdravstvenoj zaštiti („Službene novine Federacije BiH“, br. 46/10 i 75/13) i Statuta Zavoda za transfuzijsku medicinu Federacije Bosne i Hercegovine (Službene novine Federacije BiH, broj 70/13) Zavod za transfuzijsku medicinu Federacije Bosne i Hercegovine izradio je Plan rada i razvoja za 2016. godinu, koji se putem Federalnog ministarstva zdravstva dostavlja Vladi Federacije Bosne i Hercegovine na razmatranje, a Vlada Federacije Parlamentu Federacije BiH, na razmatranje i davanje saglasnosti (saglasno članu 53. stav (2) Zakona o zdravstvenoj zaštiti).

Bitno je istaći da je navedeni dokument Upravni odbor Zavoda za transfuzijsku medicinu Federacije Bosne i Hercegovine razmatrao i usvojio.

Također, treba ukazati da je članom 53. stav (2) Zakona o zdravstvenoj zaštiti propisano da je Federacija Bosne i Hercegovine osnivač zavoda iz člana 43. stav (1) istoga Zakona, a što se odnosi i na Zavod za transfuzijsku medicinu Federacije BiH. Radi se o ustanovi koja obavlja transfuzijsku djelatnost, što podrazumijeva obavljanje stručnih i naučnoistraživačkih zdravstvenih funkcija iz okvira prava i dužnosti Federacije Bosne i Hercegovine. Slijedom toga, Zavod za transfuzijsku medicinu Federacije BiH odgovara za svoj rad i poslovanje osnivaču, tj. Federaciji Bosne i Hercegovine, te u okviru svojih obaveza prema osnivaču dostavlja na saglasnost niz važnih dokumenata od značaja za rad i poslovanje Zavoda, uključujući Plan rada i razvoja Zavoda za svaku kalendarsku godinu.

III - OBRAZLOŽENJE

Tačkom I Odluke daje se saglasnost na Plan rada i razvoja Zavoda za transfuzijsku medicinu Federacije Bosne i Hercegovine za 2016. godinu.

Tačkom II Odluke definirano je da je Plan rada i razvoja iz tačke 1. sastavni dio ove Odluke i da se nalazi u prilogu.

Tačkom III Odluke predviđeno je da ista stupa na snagu narednog dana od dana objavljivanja u „Službenim novinama Federacije BiH“.

IV - FINANSIJSKA SREDSTVA

Za realizaciju ove odluke nisu potrebna dodatna izdvajanja sredstava iz Budžeta Federacije BiH.